

(2)

D Sunnabloama auf meim Balkoon

Uff meim Balkoon schdädd a Boddich, der is mid Erdda gfilld.
Im Winder hob i a Vouchlhaisla druff schdänna, und im Summer
waggsa Beduunia drin.

Im Friejoar, kurz nachdem i mei Beduunia gsääbd hob, is was uff-
gangs. Beduunia hewes noch ned sei kennnd, doazua woor d Zeid z
kurz. Erschd hob i dengd, i raiss glai raus, wails a Ungraud is,
abber dann hob i s doch waiderwaxa glassd. Nach anara Wucha had
mer gseecha, daß a Sunnabloama wärd.

Dr Summer is ball rum, mir h ewa etzt Ende Auguschd, un aus dem
glaana Pflenzla is a groase, schdaddlichi Sunnabloama worra.
D Beduunia sin frailich aa noch drinna und bliawa in dem Boddich,
abber diea Sunnabloama is von allem am Schendschda. A Weng boucha
nad si scho, wall hald zwenich Erdda doa is, abber si laand ibbers
Balkoonglender niiber, un sou hads scho an Hald. Von dr Schdroas
aus kou mer dia Bloama seecha, und d Laid maana alli, wie schea di
gelb groaß Bloama ausseecha däd.
Schbadza un d Maasali kumma scho widder von Zaid zu Zaid un gugga,
obs Vouchlhaisla noch ned doa is. Wenns noch a Weng dauerd, dann
muß i um mei Bloama an Soogfumbinda, damid dia Schlawiner dia
Käära noch ned ruaspigga kenna.
Wenn dr erschdä Schää fellld, dann wer i di Käära von meira Sunna-
bloama nema, un mei Vouchlhaisla doamid filla, un manchmoal man i,
bis zum Winder is goar nimmi sou waid.